

I. N. 3.

DISSERTATIONUM ACADEMICARUM,

SEXTA

ADHUC EXEMPLA
QUÆDAM EPISTOLA-
RUM ADDUCENS.

Quam.

MODERATORE

Præ-CI. Viro

DANIELE ACHRELIUS,
Eloq. Prof. Ord.

Tuebitur

LAURENTIUS BRODZENIUS,
Helsingf. Nyl.

In Audit: Maximo, die 7. Junii.

1689.

Impr. Aboæ apud Joh. L. WALLIUM,
A. T.

VIRO Nobilitate ac Virtute Conspicuo
DN. PATRICIO OGILWIE,
Dn. de Wruda Thewala &c. Magistro Eqvitum
perstrenuo, Mecœnati ac Patrono gratosissi-
mo, omnis obseqvii zelo submisse
devenerando.

Pl: Reverendis, Vigilantissimis ac solertissimis
DN. ANDREÆ STRENG,

Pastori in Sibbo meritissimo, avunculo
benignissimo, Promotori ac fautori certis-
simo, qvovis officiorum cultu proseqvendo.

DN. NICOLAO BUR TZ,
Collegæ Neoforsensium vigilantissimo, af-
fini, fautori ac benefactori colendo.

DN. ERICO BRO SERO,
Scholæ Trivialis quæ Hellsingforsia fre-
quentatur Collegæ attentissimo, cognato
honoratissimo.

DN. JOHANNI BRO SELI
Scribæ Territoriali Rautalambensium accu-
ratissimo, fratri chariss: jugiterq; colendo.

DN. NICOLAO STIGE LIO,
Verbi Dei ministro in Caris pervigili, ami-
co singulari ac optimo.

SALUTEM & ANNOS !!!

*VIRI Nobilitate, Reverenda dignitate, Virtu-
te ac Prudentia splendidi, Mecœnates, Pa-
tronis ac Promotores benignissimi!*

Dum accurato mentis scrutinio perpen-
dimus, quo prodigioso mundi tempore
fata nos vivere destinarent, humidis
certe oculis tantam calamitatem ac miser-
iam inspicimus, crescente siquidem indi-
es, malitia, invidia, peccatis, videmus omnes
humanas cogitationes, omnia dicta & facta me-
diocritate minime servare; verum, proh dolor,
vel excedere, vel deficere. Unde evenit quod nul-
la dies merore careat, sed novas causas fletq; mi-
nistrat. Contra quam tristissimam calamitatem,
finem nostræ vitæ accelerantem, qui remedia
salutifera inquirere lubet, necessum habet, amœ-
nissimos Consolationum hortos adire, qvorum
jucundissimos flores dum carpit, seq; hominem
esse, nihilq; à se humani alienum esse, impertet.
rita mente revolvit, omnem hujus desperatio-
nis ansam, calamitatum volubilem statum, fa-
torum crudelitatem, facile profligabit, negli-
get, superabit; hujus Floris exemplum magni-
ficum præter alia, seqentes præbent pagellæ,
blandientis fortunæ ludibria, rerumq; humana-
rum vanitatem deridentes, repræsentantes;
qvas defendere maxime ideo suscepi, ut tantum
daretur Occasio debitam gratitudinem pa-
lam declarare, quoniam alia deficiunt media,
qveis merita vestra ampla, favoremq; favissi-
mum erga me indignum præstitum, remunera-
rem. Valete & Favete.

Clienti obsequiosissimo
LAUR: BRODZENIO, Helsingf. Nyl.

Peregrinie Domine Respondens,
amicus singularis.

Domi debet infinita, qui vult
magna gubernare recte; in-
jurias scilicet temporum &
hominum, invidia & elegantia sua
lascivientium. Hoc meum opuscu-
lum, quamvis festiva dente dila-
cerent illi, quos *homines cum gemitu no-*
minandos, appellavit Ammianus, ego
tamen illorum rideo delicata judicia,
& simul exspecto, eos, cito citius pu-
blico discursu monstrasse mihi istos
nævos. Sed illud fortassis ab ijs, qui
nec eloqvio, nec rationis explicandæ
artificio pollent, tunc fiet, quando
Ciconia Pinsat. Tibi altior contigit
mens, rides ista murmura, ac jam
in palæstra Disputatoria tentas quid
portare valent Tui humeri. Deus
addet laboribus ac vigiliis, sua con-
digna præmia, qvod vovet

D. ACHRELIUS.

Lex

Tu inter paucos singularis Es unus es, apprime congruunt. Si enim Monarchiae Tuae amplitudinem exactiori erutina pondero, rem Orbi forsan paradoxam, attamen omni subducto dubio verissimam proponam; Monarchiae inquam Tuae, cui sol nunquam occidit, Monarchiae quae stellas & sidera, veluti signaculo quodam claudit & aperit, nunquam & nusquam deficiente luminis splendore. Nam ut recte quidam:

Quocunque diem Sol Orbe reducat
Fellus obit Tua Regna; tuo se aureus
offert

Oceano, conditq; tuo; cui subdita parent
Imperia Astrorumq; Orbis, totumq; quod
usquam est

Regales intra sedes, & limina cernis
Monarchiae Tuae cuius Oriens & Occidens,
Polus alter & alter, nox diesque quolibet
temporis momento, alicubi semper jucun-
do fuedere junguntur in unum; Aestas
cum Hyeme, cum Autumno Ver, singula
cum omnibus & singulis exacta equita-

tis & Justitia sua jura exerceant; atq[ue] adèò Aëstatem hic torridam, alibi horridam brumam, justi ponderis aequilibria Tua in Monarchia experiaris; Nunquam Tibi recentes Viola, Rose, Lilia cessant suum spirare odorem, fructuum peregrini cœli cupedie, Tuæ nunquam desunt Mensæ. Noë veluti in Zootropheo quodam omnes quæ cœli ambitu continentur, animantium species suæ conclusit Arca; Verum enim vero quæ Noë strictim, Tu Rex Summe in Tua Monarchia sparsim tenes. Si deniq[ue] Opum Divitiarumq[ue] ubertatem penitus expendo, Tibi sunt aurei sine fundo montes, Argentei sine termino colles, uti recte Poëta non nemo:

- - - Tibi vixus subdidit Afer,
Littora; Te metuit Ganges; tibi turbidus
Indus.

Volvit opes; uni America tibi viscera pandit
Fœta auro, quo semoti confinia Mundi
Non celas ditare Tuo.

Quæis probe expensis, sanctè jam affirmare ausin, nihil in antecedentium tempora

rum Historiis quidpiam aut Monarchia
 Tua potentius, aut amplitudine diffusius,
 aut opum immensitate grandius, verbo,
 Divine Dominationi (si ita loqui fas sit)
 proprius observatum fuisse. Hanc Tibi
 granditatem incomparabilem Majores Tui
 fortium gestorum Heroës Ferdinandi,
 Caroli, Philippi & Cæsares & Reges stu-
 pente Mundo pepererunt. Quid enim
 ab Orbe Condito Munto inlaruisse dici
 potest, quam novos & nè famà quidem
 notos detexisse Mundos, nova novis ad-
 jecisse Regnis, Orientem Occidentemque
 Austrum & Aquilonem Tue se fecisse pote-
 statis; & quod omnibus excellentius est
 incredibili Divina gloria studio acquisi-
 torum potentiam Regnum DEO Opt.
 Max. subditam in ovilis augmentum &
 amplitudinem Christo subjugasse, tanto
 per Orbem Terrarum animarum & fru-
 ctu & lucro, quantum non dicam sperare
 sed ne credere quisquam sibi persuadere
 potuisse. Quorum quidem omnium Tu

Rex Maxime ex alto Herorum sanguine
 prognatus & Princeps, & Hæres minime
 degener; cum Talia de Te efflorescentium
 in tantilla etate virtutum Specimina jam
 dudum dederis, ut extra communem
 hominum sortem, Spiritus Heroicos vel ex
 ipso Magnæ & Augustæ Matris Tuae lacte
 suxisse videaris, Matris inquam ANNÆ
 serenissimæ Reginæ, Parentis Tuae quæ
 pari felicitate ex præcelsa Austriacorum
 Cæsarum prosapia exorta, etiamnum Or-
 ba & Regni & thori conjugæ, magnis ta-
 men & grandibus rebus intenta in tanta
 exultatione temporum hostiumq; ma-
 chinis, cogitationi fæminei masculum in-
 dens animum quanto se Sola ingenij robo-
 re, quanto consilio, prudentia ac Religio-
 nis ardore, in administranda Monarchia
 se gesserit, orbis novit & obstupuit. Haud
 imparem rerum gerendarum telam Tu-
 erdiri videris Rex Maxime, dum de vi-
 vida indolis Tuae letitia, de matura in-
 tenello corpusculo prudentia, de præcoci-

animi fortitudine, rerumq; recte agenda-
rum dexteritate, de Te quidpiam huma-
na sorte altius Mundus sibi polliceatur,
atq; adeo thema paulatim dictare incipi-
as, quod acerrima Historicorum ingenia
quandoq; sit defatigaturum. Quae quidem
uti summa admiratione celebrare non se-
mel audiui, ita quoq; nessio, quo felici o-
mine ist hoc Monumentum veluti gloriae
Tuae prodromum gloriosi Nominiis Tui
immortalitati consecrandum censur Cedro
perennius;

Quod non imber edax neq; Aquilo impo-
tens

Possit diruere aut innumerabilis
Annorum series & fuga temporum.

Vale Rex Maxime Augustæ Domus & Or-
bis delicum, vive in spem magnam Deo
Regnis, Religioni Catholicae, Tibi.

Nonne jam, ex florida hujus de-
dicatoriae Eloquentia, nervis, acu-
minibus, complexiisque rerum, men-
te concipere potes, vera esse ea, quæ
supe-

superius, de facie pomposarum Epistolarum, diximus. Tandem CONSOLATORIAM quoqu addimus, olim ad eruditissimum amicum transmissam.

Si qualicunqu; sermonis genere lenire possem illam doloris magnitudinem, quam ex optimi filii discessu nuper accepertas Parens; Sanè vero officium illud libenter susciperem, nisi ejusdem lactus acerbitas me pariter involveret, confundere, & ferre non dejiceret: utpote cui magna ex parte notæ erant adolescentis vigor, primitiæ judicij, & honestarum rerum amor. Interea tamen, cum jam ad illa loca delatum sit tam charum pignus, ubi non tantum ardor & studium perficiuntur, pietas & virtutes ceteræ præmium habent; verum etiam vivere incipit, postquam mortem cum vera vita commutavit; nostrum esse arbitror, casum hunc, moderatè ferre, & in contemplationem paulò altiorem aciem mentis intendere. Qvando vulgares illas & noxias plantulas tempestas vehementior rapit, nullas causas habet hortulanus cur magnoperè dolat, utpote

potè quæ ad quemlibet cespitem & ubiq;
locorum crescunt; at prætiosa herbarum
dum vel ætas adurit, aut humor suffocat,
vel frigus enecat, meritò tunc angi debet
animo, quia totius anni & tantorum fru-
ctuum jam pergit expectatio. Eodem feré
modo, qvando vulgaria cadunt mancipia,
sive voluptatis illa fuerint, sive divitiarum,
sive honorum sibi nunquam competenti-
um; talium manibus nemo ingemiscit; qvo-
niam illa secta in prolixam seriem patet,
& natos habet natorum, tum & eos qui
nascuntur ab illis. Sed cum mortis vehe-
mentia in germina, de quibus bona foen-
tur auguria, debacchatur; tum vero lu-
gent qui plantarunt, gemit virtus, lachry-
mas emitit publicus rerum status; quasi
intelligat perire suum florem, sua gaudia,
suam gloriam. Quid nunc multis voca-
bulis incipiam describere caducas rerum
humanarum mutationes? hæ enim ambo-
bus nobis multò accuratius notæ sunt,
quam iis, qui omnes suas actiones vol-
vunt inter valdè stabiles polos, speculum
nimirum & peccinæ, & interea tot somni-
ant deliria, tot fingunt aureos montes,

tot imaginaria decircinant miracula, quot
vix capere potest orbis alter & alter. Hi
profecto in ipsa fragilitate æternitatem si-
bi figurant; Nos vero simpliciter judica-
mus ipsa mundielementa, è quibus omnia,
tam cœlestia quam sublunaria sunt com-
posita, ob qualitatum discordiam, ad istam
metam continuò pugnando properare, ne
simul moriantur. Dierum Rex, SOL ille,
noctem per vices admittit, tanquam testa-
tricem suum aureum jubat obfuscari pos-
se: & qvamvis identidem nobis gratula-
mur de tanti fulgoris splendore, dum ab
ortu in occasum magno ignium comitatu
amicus ambulat; erit tamen punctum,
quo immensa illa claritas resolvetur in il-
las tenebras, quæ nunqvm illustrari pos-
sunt. Luna noctis regina eum universo
stellarum choro, jam abit, jam reddit, jam
adparet, jam senescit: quibus sanè vicissi-
tudinibus, cœlestium corporum vanita-
tem constantissimā inconstantiam enarrant.
Nec sua prælia omittunt annorum tempo-
ra, vernalem gratiam interturbat æstatis fer-
vor, eum rursus difflat autumni horror,
qvem iterum conficit hyemis rigor: omnes
vero

vero discordi concordia canunt, *nihil quidquam est stabile.* Animalia quæ silvas
 pererrant, vel aquas inhabitant, aut alias
 per æthera volant, continuo ortu & oc-
 casu nobis nostra fata ob oculos ponunt.
 Omnis camporum gratia, omnis arborum
 honor, omnes plantarum deliciæ, tripu-
 diante cœlo, folia expandunt, flores ex-
 plicant, dulcique balsamo aëra replent. At
 vero dum cadunt nimbi, dum ruunt gran-
 dines, dum furit ventorum boreas, in ci-
 neres fatiscit illa pompa, iste tot savita-
 tum apparatus, Datur liquor quo mol-
 lescit adamas; datur vermis qui aurum te-
 rebrat; datur pulvis qui ferrum rodit; da-
 tur hostis, qui vehementi clade saxa &
 montes scindit & comminuit. Nos ho-
 mines, quibus in omnia imperium con-
 cessum est, qui acri judicio terratum sa-
 cra & oceani evolvimus miracula, qui stel-
 larum notamus motus, conjugia, effectus;
 qui orbem disponimus, & sancta æterni-
 tatis mysteria piè meditamur; nos inquam,
 eodem die quo nascimur, sinistra manu
 vanitatem salutamus & amplectimur, de-
 xtram vero mortis porrigimus, illudque

Gf

fœdus

fœdus cum eo pangimus, quolibet momen-
to ejus seqvi imperia. Cujus qvoque ma-
gna est & auctoritas, & gravitas, & furor.
Non occæcare valet ejus grandævos ocu-
los sceptrorum fulgor. non terret gene-
rositatem illius clava Herculis, vel Xer-
xis numerosa gentium unda; Principum
mandata, Theologorum minas, Juris con-
sultorum rescripta, Medicorum remedia,
Oratorum facundiam, Poëtarum cantica,
æquè ac pauperum abjectam conditionem,
ridet, spernit, conculcat. Proinde cum
tam rigida sit fatorum lex, ut velut ma-
gnes omnia trahat ad mortis metam, æ-
què videtur naturale parentes amittere fi-
lios, ac natos genitoribus orbari; quoni-
am debitum hoc ex æquo omnes mor-
tales obligat. Itaque O Parens, quod tibi
jam, id mihi propediem contingere potest.
Deus vita & mortis præses, nunc hunc,
nunc aliud, mox me, & aliquando Te ad
sua invitabit palatia; hic enim est finis u-
niversæ peregrinationis, reverendum est
in patriam. Jactatrix Stoicorum secta
nullius hominis animum angi debere in
vulne-

vulnera doméstico arroganter satis declamitat; quoniam dolor, nec deceat sapientem, nec ipse est utilis. Non fero judicium de illa tam grandi magniloquentia, cum magis haud dubiè a nobis placeat Principis Hebreorum & sanum & admirabile exemplum. Cui postquam nunciatum est filium: quem summè diligebat, diem obiisse supremum, exorrecta fronte, latus & unctus ad Epulas accessit, alacri subinde sermone reptens, nullis lachrimis revocari amplius potest, nos vero ad illum brevi properabimus. Sané vero Amplissime Domine, idem Te & facturum & dicturum arbitror, dum sincerè cogitas, quot mala mature evasit Tuus tam dilectus DANIEL, & qvanta bona jam occupavit. Novi quidem Te ipsum ex prudenter illa qua abundas copia, notitiâ historiæ, prolixa peregrinatione & accurata praxi, dudum mundi habitudinem notasse; interim tamen quoniam cœpi tecum colloqui, placet fingere nos in medio cœli & terrarum ab omni corporis pondere liberos ambulare, indeqve prospicere infra tellu-

tellaris ludibria, supra vero æternitatis gaudia, quæ fide alias, per divinam gratiam, quotidie attingimus. In isto obscuro globulo, aquis maximam partem circumfuso, cernere licebit tot casus, tot miseras, tot luctus, tot deliria, tot molimina, tot nugas mortalium; adde tacitam invidiam, quam unus alterum & singuli omnes conficiunt; adde malorum opprobria & persecutio[n]es, quibus homines se invicem vexant & dilacerant; adde genera morborum varia & timorem mortis, quem tamen nulla effugit mortalitas. Rursus si elevare volumus oculos ad domum Dei, ad Angelorum sedes, ad sanctorum animarum candida collegia. Ibi demum est vera civitas, quam interius illustrat Numinis gloria Majestas, inhabitat Salvatoris Christi immaculata sanctitas, circumfulget Sanctissimi Spiritus ineffabilis puritas. adstant Prophetarum & Apostolorum ordines, Martyrum chori & confessorum beata agmina, quæ assiduis praecibus cantillant, Sanctus, Sanctus, Sanctus, Deus Zebaotb. Extra vero adparet symbo-

lum admirabile : ab iis qui hue intrant,
 absterget Deus omnes lachrymas, & mors
 ultra non erit, neq; luctus, neq; clamor,
 neq; dolor erit ultra. Olim gentes ba-
 baræ nascentes lamentis, exeuntes è vita
 gratulationibus excipere solebant, & ta-
 men cum ipsis hinc esset a beundum pror-
 sus ignorabant quo tenderent. absit ut vin-
 cat nos paganorum vanitas, ut potè qvi-
 bus accuratè notum est, relinquenda esse
 hæc somnia & permanendum omnino in
 perpetuis vigiliis. Itaque tanto beator
 Tuus FILIUS, quo in tanta currentium fe-
 stinatione metam attigit prius, eamq; fe-
 licissimam, quia Deus qui summe bonus
 est, non patitur suos electos hisce sordi-
 bus diu inquinari. Sed fortè nos aliter
 & quidem ita judicamus ; qui septendecim
 vivendo annos vix implevit, potuisset o-
 & stoagesimum attingere , sicque senili e-
 logio illustrari. Benè; si interea non o-
 & stoaginta millies millena millia malorum
 exhaustiret illiada, quæ regina mundi V A-
 NITAS indies nobis propinat, & tantum non
 inebriat. Priscis temporibus fatemur sapi-
 enti-

entiam, illam honesti naturalis & boni publici Dominam Senum pectora inhabitasse; sed jam cum videt suum numen à quibusdam pér avaritiam expelli, per ineptias extirpari, per jurgia lites & scurilles jocos contemni, volvavit in animos adolescentum, cum quibus prius vult extingvi, quam pervenire ad illos annos, quos didicit, passione, ignorantia, simpli- ci superbiā, tam aureum decus lædere. Ferunt ad Ponti ripas nasci animalia, quæ ad lucis ortum incipiunt vivere, ante meridiem occumbunt, circa vesperam ne cinis quidem adparet interea tamen perfecti animalis vitam vixerunt. Felix ille in cætu hominum, qui claudit fata antequam libido & libertas animum à mente segregant. Habet adolescentia magis consumatum hominem quam juventus, quæ per libidinem; & virilis, quæ per crapulam & stultitiam se sæpius tam turpiter dat, ut melius fuisset plurimis, aut statim periisse, aut hanc lueem adspexisse nunquam. Crede mihi, volat alacrius ad alta anima à peccatis libera, quam illa tanto peccatorum pondere

dere obsepta, quæ sapè ad tareara relabitur. Hæc omnia quæ hactenus enumeravimus, cum bene & rectè se habeant: inde colligere possumus, moderatè dolere, humanum quidem esse, sed luctus omnes magnâ constantiâ perferre ac pati, heroicum judicatur. Viros decent virilia; in quem classem cùm Te omnino posuit virtus & eruditio, eave maceres te ob mortem filii, quasi & Tuam deplorates futuram necessitatem, utrumque enim & securum nimis, & valde est periculoseum. Alexander Magnus paucorum militum Dux, cum ex tabernaculo prospiceret innumerabilem illam Dartii multitudinem, alacri, voce clamabat; tandem per animo meo periculum video. Sic & nos dum factio agmine exundant livor, mœror, mors, hilari voce dicemus; nibil hæc omnia nocebunt. Pulvillus Horatius cum sacra procuraret, tristem acceptit nuncium filium periisse; curam religionis propterea non omisit, sed summâ cum alacritate peregit. Fabius maximus amissio filio consulari dignitate claro, hilari fronte prodibat in publicum, ejusque memore-

memoriam funebri oratione ampliabat.
 Omitto Pisonum, Scautorum, Metellorum,
 in simili casu gravitatem, cum & consimili
 exempla hodiernus dies habeat. Si prin-
 ceps aliquis rarissimum speculum tibi com-
 modaret, in quo tuam imaginem exactè
 posses contemplari, & post lustratam
 faciem, cognitumque habitum, si idem
 Rex suum reposceret, nonne protinus
 esses nimis, si cum tam benigno Mo-
 narcha inciperes contendere. Deus immor-
 talis dedit Tibi filium, pius, modestum,
 morigerum, literarum valde amantem,
 & tibi per omnia similem; Sed co fi-
 ne, ut repeteret suum quando vellet.
 Cum tanto ergo Numine Stomachari aut
 profecto aut audax impium foret. Stabit
 ergo quod immutari nequit, DANIEL
 F A X E L mortalium cætibus extre-
 mum Vale dixit, jamque inter eter-
 nitatis candidatos, Sindone cœlesti a-
 mictus radiat; quem propediem seque-
 mur, videbimus, tangemus manu, &
 osculo charitatis salutabimus. Vale!

Ex discursus Academici postulat, ut sequentes addamus positiones; quas ventilabit pro & contra studiosa juventus, donec eorum Veritatem capiat.

1. Dignitates, in politia & eccllesia, in indignos collatæ, evilescunt planè.

2. Frustra sustentantur Tempa, Scholæ, Academiæ; si delectus non habetur ingeniorū illustriū.

3. Gloria regnorum & honor regnantium stat, quando benè meritis conferuntur condigna præmia.

4. Generosa pectora, acceptis ab opinione & invidia cladibus, non franguntur sed accenduntur.

5. Optimè meritos, ab ingeniis vulgaribus & nuda auctoritate tumidis, pessimam plerumq; gratiam reportare, certum est.

6. U.

6. Unitatem Religionis in suorum
imperiorum latitudine conservent
Reges. stabilitant pariter æqualitatis
vinculum inter cives. deniq; inter
pœnam & præmium rotent va-
stum regni orbem.

7. Reges & Princes habeant
regni suirationaria ad manus sem-
per, suoq; judicio distribuat hono-
res: ne inertes fuci, ob solam a-
varitiam, alvearia apum diripient.

8. Hugo venotorum nominis ra-
tio, & quomodo à Pontificiis in
gallia discriminantur, exponitur.

9. Adhunc nodum solvendum
prodest scire, quis character singularum & primo quidem cardinalium Religionum mundi, judaicæ,
Christianæ, Mahumeddanæ & Pa-
ganicæ.

10. In

10. In omni republica, Rex, vel senator, vel populus, si modo Democraticus status alicubi terrarum est, privatum interesse fugiat.

11. Interest Regibus, suæ majestatis & existimationis esse studiofissimos; Sed & caveant sibi à ministris ambitiosis & avaris.

12. Operam dabunt Terrarum Monarchæ, ut qvæ intra & extra status sui latifundia agantur, verè relata sibi semper comperta habeant.

13. A Callidis hominibus, à subdolis consiliis, caveant sibi reges; si modo voluerint inservire tempori, & tempora temporibus temperare.

14. Eversis scholis & Academiis, cadit regnorum gloria, inducitur

citur barbaries, lugente Deo, triumphante diabolo.

15. Recta ratione & divino auspicio cædendum fatis, & moderanda consilia ; nec propter ambitum & pecuniam, flectenda nunc in hanc, nunc partem aliam, constantia.

16. Vivitur ingenio ; cetera mortis erunt.

*Has positiones exemplis ex Historia
Et praxi seculi, copiosè, in ipso di-
scursu illustrabimus.*

